



Ēberā pilonara ādyirāba okawasidaa ādyi drōaraneba. Baridua ēbera purude ādyirāba maļ pilonane arrora, besida tēubadaa. Wadi idi ewaride maļ pilonarā zokarā ēbera purude unubadaa. Dyi umakirāra bakuru zareadeba obadaa maļ pilonara. Baribarā edade wēraraba obadaa idyaba. Maļ pilonarāodi karea ādyirāba bakuru zareada jalarabadaa. Karkorideda obadaa, amariyodeda, kokodesida obadaa. Dyi bakuruda unusidara kōa kōalradapeda jā korobadaa ara ādyia kīrāpanā dauchā. Dyi ātlara jedadagama aba auđu ģabaria. Ātāba edaa beawebadaa karra jīsia edaa ādau waiģlara obadaa. maļ bēra arro tēu panane korawākaa dyi pilonara.

Dyi arro tēuni karea orrokawa nupanebaria ume wa ōbea. Dyi tēunikarea bema uriara jeme ume ģabaria. Ākara pilonara bio waiģla ģabaria maļ berā poya teubadaa kince libra auđu arrora. Maļ pilona jalarā tēubadaa aba arababarādaa. Maļ pilona jawara ne daudeba ādyirāba obadaa. Maļ pilonane ēberā wērāra ne jumada tēubadaa, arroda, beda, korozoda. Tēūpeda karea ādyirāba dyi pilonara wagabadaa de edrekare pōasaade bio dārā drōa marea. Āibērā maļ karea ēbera dera wounaan desida bio ātā obadada de edrekare poya ne jumaada tēuni karea. Umakīrāsida idyaba arro tēu kawa ģeabaria ādyi kimarā kareba karea. Wēra Kaurāba kaebe edauba tēu kawabadaa ādyi dyibarirārā kareba kawa ģeadi karea.